

## Kort om konfirmasjon

- Alle kan delta i konfirmasjonstida
- Opplægget varer frå september 2024 til mai 2025
- Høgdepunktet er konfirmasjonsdagen
- Du melder deg på ved å fylle ut nettskjema OG møte på innskrivinga!
- Dei fleste blir konfirmerte det året dei går i niande klasse
- Det finst mange grunnar til å velje konfirmasjon i kyrkja, blant dei er tradisjon, utforske tru og meininga med livet. Mange synes leirane våre er kjekke!
- Det blir ikkje stilt krav til kva du meiner eller kva du trur på
- Du får reflektere og tenkje kritisk
- Du lærer om kristen tru, men også tema som klima, rettferd, sex og identitet
- Det einaste kravet for å bli konfirmert er å vere døypt, og det kan du bli i løpet av året
- Meir om konfirmasjon i kyrkja finn du på [kyrkja.no/konfirmasjon](http://kyrkja.no/konfirmasjon) eller ved å skanne QR-koden

Kontakt oss gjerne på telefon 70 04 86 40, eller på e-post [postmottak@orsta.kyrkja.no](mailto:postmottak@orsta.kyrkja.no)

## Helsing kyrkjelydane i Ørsta

Denne brosjyren vert sendt til kyrkja sine medlemmer fødde i 2010, og direkte til trosopplæringsabonnentar med born fødde i 2010. QR-koden fører til [kyrkja.no/konfirmasjon](http://kyrkja.no/konfirmasjon).



No er  
det din  
tur

KONF  
IRM  
AN  
20 ✝ 25



DEN NORSKE KYRKJA  
Ørsta kyrkjelege fellesråd



## Velkomen til konfirmasjon!

No er det berre eitt år til konfirmasjonsdagen. Det blir ein festdag, og du har mykje å sjå fram til!

### Kva kan eg glede meg til?

Du kan glede deg til å bli ein del av eit fellesskap. Du kan òg sjå fram til å lære mykje spennande om deg sjølv, om tru, om Gud og den verda du er ein del av.

Konfirmasjonsdagen er ein skikkeleg festdag, som du kan glede deg til! Her blir alle som er konfirmantar feira i kyrkja. I gudstenesta ber vi ei bøn om at Gud velsignar deg, og om at Gud styrkjer deg på vegen vidare i livet.

Tidlegare konfirmantar fortel at høgdepunkt frå konfirmantåret er leir og konfirmasjonsdagen.

### Kven kan bli konfirmant?

Alle kan bli konfirmant i kyrkja! Velkommen uansett om du trur, ikkje trur eller er litt usikker. Det einaste kravet er at du er døypt innan konfirmasjonsdagen. Om du ikkje er døypt frå før, er det ikkje noko problem. Mange blir døypt i løpet av tida som konfirmant.

Kyrkja er eit mangfaldig fellesskap, og vi ønskjer at alle skal få ei god konfirmasjonstid. Om det er behov for individuell tilrettelegging, er det berre å ta kontakt.



## Korleis ser opplegget ut?

I konfirmasjonstida er du med på:

- Innskriving og registrering
- Avspark
- Presentasjonsgudsteneste
- Undervisningssamlingar knytt til ulike tema
- Leir på Sunnmøre folkehøgskule i Ulsteinvik
- Fasteaksjon
- Deltaking i gudstenester
- Konfirmasjonsdagen

Vi gir meir informasjon om dette på foreldremøtet i september. Dersom du har spørsmål til opplegget, kan du kontakte oss.

## Innskriving som konfirmant i veke 23

I veke 23 (første veka i juni) møter alle som vil vere konfirmantar til innskriving i kyrkja si.

Mandag 3.juni i Ørsta kyrkje:  
kl 1445: 8A  
kl 1515: 8B

Tysdag 4.juni i Ørsta kyrkje:  
kl 1445: 8C  
kl 1515: 8D  
kl 1545: 8E

Onsdag 5 juni kl 1445 i Hjørundfjord kyrkje

Torsdag 6.juni kl 1445 i Vartdal kyrkje

## Påmelding på [minkirkeside.no/orsta](http://minkirkeside.no/orsta) innan 30.juni

Påmelding på [minkirkeside.no/orsta](http://minkirkeside.no/orsta). Konfirmant og føresette må gjere dette saman. Fristen for å melde seg på er 30.juni. Opplegget kostar kr 2000,- og vert fakturert i løpet av hausten. Ta kontakt med oss om du har utfordringar knytt til betaling.